

31. júlí 1981.

723

Nr. 453.

REGLUGERÐ

um breytingu á reglugerð nr. 163/1978 um innflutningsgjald af bifreiðum og bifhjólum.

1. gr.

1. mgr. 1. gr. reglugerðarinnar orðist svo:

Við tollafgreiðslu skal innheimta innflutningsgjald af öllum bifreiðum og bifhjólum sem hér segir, sbr. þó 2. og 3. gr. reglugerðar þessarar:

- a) 35% gjald skal greiða af bifreiðum sem knúnar eru aflvélum með 2200 cm³ sprengirými eða minna.
- b) 50% gjald skal greiða af öðrum bifreiðum og bifhjólum.

2. gr.

2. mgr. 3. gr. orðist svo:

Við tollafgreiðslu bifreiða til leigubifreiðastjóra, sendibifreiðastjóra og ökukennara, sem hafa að aðalstarfi akstur allt að 8 farþega leigubifreiða til fólksflutninga, sendibifreiða eða kennslubifreiða, skal einungis innheimta 25% innflutningsgjald. Af bifreiðum sömu aðila sem hafa slíkan akstur að aukastarfi skal við tollafgreiðslu einungis innheimta 38% innflutningsgjald falli bifreiðarnar undir b. lið 1. mgr. Um eftirgjöf og eftirstöðvar innflutningsgjalds af bifreiðum þessara aðila skal í framkvæmd farið eftir reglum ráðuneytisins nr. 234/1980 um lækkun aðflutningsgjalda af bifreiðum til atvinnubifreiðastjóra og ökukennara.

3. gr.

Reglugerð þessi, sem sett er samkvæmt heimild í 16. gr., sbr. 35. gr. laga nr. 4/1960 um efnahagsmál, öðlast gildi frá og með 1. ágúst 1981.

Fjármálaráðuneytið, 31. júlí 1981.

Ragnar Arnalds.

Þorsteinn Geirsson.